



UNIVERSITÄTS-
BIBLIOTHEK
PADERBORN

Universitätsbibliothek Paderborn

Microsynodus Treverina

Mosham, Ruprecht von

[Solingen], 1540

VD16 M 6437

Zum Leser.

urn:nbn:de:hbz:466:1-36773

Zum Leser.

Ehrlicher lieber Leser/ Dieweil in dem ob-
angezeigten Trierischen Microsynodo vñnd
Einen particular Concili von der Epistel
an die Römisch Künigliche Maiestat lan-
tendte vñ aus Turnberg irer Küniglichen Maiestat
vberschickte meldüg beschicht/ So hat mich fur guet
vñ nutzlich angesehen/ Sonnderlichen weil dieselb zu
dem Maynzischen Microsynodo nicht hinzugedruckt
worden/ hieneben anzuhessrem/ vñ in den Trierischen
Microsynodum einzuleyben/ Damit nicht allein hoche-
melter mein genedigster herr vom Trier/ sonnder alle
meniglich sehen vñ versteen möchten mit was grossen
ernst vñ Chrißlichem eyser ich bey der Rō. Ku. Ma.
ehe vñnd zuvor ich die vier Churfürsten am Rhein be-
sucht/ in der Religion vñ glaubens sachen halben an-
geklopfft/ ir Ku. Ma. nicht allein als Römischen Ku-
nig/ sonder auch als den obersten Churfürsten/ neben
den andern Churfürstliche hierten vñ heubtern zu die-
sem großwichtigen werck zuermuntern vñ auffzuweck-
en. Vñnd dieweil ich auch in obgemeltem Trierischen
Microsynodo mich vernemen vñ hören lassen/ wie ich mit
dieser ernstlichen Religions handlung die Rō. Kay.
vñ Ku. Ma. in Brabant selbst eigener person besuchen
woll/ Vñnd solchs aber aus redlichen vñ beweglichen
ursachen bis hieher vnderblieben/ Damit dan nun alle
meniglich künndt gemacht werd/ warumb ich solchem
meinem furnemen nicht nachkommen/ vñnd was hie zwi-
schen gehandelt/ So hab ich dem allem nach auch die
Epistel sambt einem gestelten Memoriall aller meiner
handlung vñnd furnemens an den hochwürdigen herren

S

MICROSYNODVS

hern Jehan Moran Bischoff zu Modona Bapstli-
 chen gesandten an Rō. R. n. Ma. hoff. Nachvolgēde
 auch zwo ernstliche Epistel vñ sendebriene an die Rō.
 Key. vñ R. n. Ma. außgangē vñ aus Coln den V. Maij
 bey eignem vortten vñ gesandten irer beider Maiestä-
 tenn vberschickt/ auch hiebey einkomen vñ in den Trie-
 rischen Microsynodum incorporiren vnd einziehen wolle/
 Vñnd solches alles darumb/ damit hochermelter mein
 genedigster herr von Trier aus diesem Trierischen Mi-
 crosynodo auff mein eyferig fleissig vñnd Christlich an-
 halten desto stadelicher vñnd nottursffiglicher ein gnet
 Exempel vñnd beyspil haben vñnd nemen möchten/ die
 Christlichen hierten vñnd heubter/ neben mein vñnd mit
 mir/ frey vñnd vnerschrocken von dem verderblichen töde-
 lichen schlaff in der kirchen Christi zuermuntern vñnd
 auffzuwecken. Darzu helfff vns Got durch Christum
 vnsern hern vñnd haylande/ Amen. Datum Collis
 den VIII. Maij. Anno MDXL.

[Faint, illegible text, likely bleed-through from the reverse side of the page.]